



Suí iomlánach

B9-0380/2021

30.6.2021

TAIRISCINT I gCOMHAIR RÚIN

de bhun Airteagal 143 de na Rialacha Nós Imeachta

maidir leis an daonlathas a chosaint i gcoinne chleachtais na cinsireachta

Aurélia Beigneux, Annika Bruna, Markus Buchheit, Gianantonio Da Re, Filip De Man, Catherine Griset, Jean-François Jalkh, Maximilian Krah, Jean-Lin Lacapelle, Hélène Laporte, Gilles Lebreton, Julie Lechanteux, Miroslav Radačovský, Tom Vandendriessche

Tairiscint i gcomhair rún ó Pharlaimint na hEorpa maidir leis an daonlathas a chosaint i gcoinne chleachtais na cinsireachta

Tá Parlaimint na hEorpa,

- ag féachaint d'Airteagal 2 den Chonradh ar an Aontas Eorpach,
 - ag féachaint d'Airteagail 11 agus 12 de Chairt um Chearta Bunúsacha an Aontais Eorpaigh,
 - ag féachaint d'Airteagal 143 dá Rialacha Nós Imeachta,
- A. de bhrí gurb é atá i gceist leis an daonlathas, atá mar bhunluach den Aontas Eorpach, ná saoirse cumarsáide maidir le smaointe polaitiúla is féidir le cách a chruthú, a chur in iúl agus a fháil; tá sé tábhachtach go háirithe i gcomhthéacs na bhfeachtas toghcháin agus maidir leis na comhaltaí tofa;
- B. de bhrí, áfach, go bhfuil sé faoi bhagairt mar thoradh ar líon méadaitheach tuairimí a bheith á n-athcháiliú ar bhealach mí-úsáideach agus bréigeach mar ‘fhuathchaint’, coincheap atá suibiachtúil agus neamhdhlisteanach, agus mar thoradh ar an scagadh a dhéanann ardáin na meán agus ardáin dhigiteacha a fhorchur ar dhaoine agus ar an gcaint;
1. ag athdhearbhú a tiomantais dhaingin don tsaoirse tuairimíochta agus don tsaoirse chun tuairimí a nochtadh;
 2. á chur i bhfios go láidir gurb é an toghchán bunchloch an daonlathais, agus nach mór na comhaltaí tofa agus na hiarrthóirí i dtoghcháin, go háirithe, a chosaint;
 3. á chur i bhfios go láidir gurb ionann an méadú ar phionóis a ghearrtar mar gheall ar thuairimí agus caint choiteann agus inghlactha agus iarrachtaí chun tuairimí polaitiúla a chur faoi ghaibhniú dlíthiúil; ag cáineadh na n-iarrachtaí sin, atá ag leathnú ar bhonn leanúnach, rud a léiríonn nach bhfuil bunús ábhartha leo;
 4. á iarraidh go rathódh reachtaíocht an Aontais an chosaint sin trí thoirmeasc a chur ar aon srianadh ar chomhaltaí tofa nó hiarrthóirí a dtuairimí a nochtadh, ach amháin i gcás órdú breithiúnach.